

vom H. Abendmal / von der Tauff / von der Person Christi / halten / vnd seine Lehr für richtig bekennen? Da murmeln sie vnter dem Bare herfür: Ja / doch so ferne das jenige verstanden wird / was bey Lutheri Confession gut gewesen: Das ist / Sie haltens in allen Puncten mit Luthero / in welchen er nicht wider die Zwinglianer vnd Calvinisten gewesen: Dann / wo er den Calvinisten zuwider seye / da habe Lutherus aus angeborener schwachheit getretet / vnd etwas böses an sich gehabt / welches sie nicht billichen können: Seyen nichts desto weniger recht vnd gut Luthersch / weil sie alles das jenige erkennen vnd annemen / was nicht wider sie / das ist / die Calvinisten vnd derselben Lehre lauffe.

Heisset aber das nicht Gott im Himmel / vnd seiner Kirchen hie auff Erden / recht Bübischer weise gespottet / vnd in so wichtigen Sachen / Fürsten / Herrn / vnd andere / bey der Nasen herumb gezogen / vnd geäffet? Welchen List / vnd Betrug Gott im Himmel / zu seiner zeit / gewißlichen straffen / vnd solchen Spöccern ihre Bosheit auff den halß bezahlen wird.

Wir beschliessen aber diese Hoffbösen / mit einem andern Argument / darüber sich die  
Calvi-